


V  
g  
1480





De  
ster





# Werbung

So von wegen Papst Pij  
des Vierdten / an die versammlung der Chur  
vnd Fürsten / zur Naumburg in Thüringen / am fünff  
ten tage des Hornungs / im Jar nach Christi  
geburt 1561. geschehen.



# Item

Der selbigen Chur vñ Für-  
sten Antwort / welche sie auff der Bapsti-  
schen Gesandten gethane Werbung / am sibenden  
tage des Hornungs gegeben.



Auß dem Latein ins Teütsch gebracht.  
ANNO M. D. LXI.

Verordnung

Es soll in jeder Buchhandlung  
des Reichs an die Verkaufsstellen  
und Buchhandlungen in  
den Reichs- und Provinzialstädten  
ein Exemplar von dem  
Reichs- und Provinzialrecht  
gekauft werden.



Verordnung  
Es soll in jeder Buchhandlung  
des Reichs an die Verkaufsstellen  
und Buchhandlungen in  
den Reichs- und Provinzialstädten  
ein Exemplar von dem  
Reichs- und Provinzialrecht  
gekauft werden.

ANNO M. D. LXI.



Innhalt der Werbung / so von wegē Papst  
Pij des vierdten / an die versammlung der Chur vnd Für-  
sten / zur Naumburg in Thüringen / am fünfften tage des  
Mornungs / Im Jar nach Christi geburt  
1561. geschehen.

**D**ennach der Papst zum Heyligen Regiment  
der Kirchen beruffen worden / hat er also bald  
nach vermöge seines angenommenen Päpstliche  
Hirtenampts / sich eben auff diese sorg begeben / da-  
mit verderbte weise zuleben / in bessern stand gebracht / die Kir-  
che ein mal befridet / vñ alle völder einer ley Glaubens sein möch-  
ten. Vnd dieweil gütes züwegen zübringen / eben so wol als dem  
vbel ab zühelffen / keine andere artzney / denn das ein allgemeyn  
Conciliū gehalten werde / vorhanden / hat er auß zeitrigem nach-  
gedencken / mit sambt den Cardinälen ein Heylig Concilium /  
auff die Ostern / zü Trient / in krafft habender / vnd im von Gott  
gegebener vollmacht / zü halten beschlossen. Auff das aber sol-  
ches allen Fürsten verkündt werden / vnd sie die selbige sorg auff  
sich nehmen / auch iren fleiß / zü Teütscher Nation fride vnd rü-  
he rähtlich zü sein / neben Päpstlicher sorgselzigkeyt / möchten  
mit züsetzen / hat er auß liebe vnd wolmainunge / damit er Teut-  
scher Nation alle zeit geneygt gewesen / vnd zü ihrer eynigkeyt  
lust gehabt / vns seine Legaten abgefertiget / das wir in seinem  
namen einen jeden in sonderheyt ersuchen / bitten / ermanen / vñ  
züm höchsten erinnern / darneben auch begeren sollen / das dieses  
Concilium ( dieweil doch alles sanfftmütiglich vnd friedlich zü-  
gehen / männiglich von fürfallenden sachen freündtlich würde  
gehört werden / vñ also der Papst auff nichts anders vmbgien-  
ge / denn das die Kirche widerumb zü fride vnd rühe kommen  
möchte ) besuchen / vnd solche Gottselige sorgselzigkeyt wölten  
einen forgang haben lassen. Hierauffist der Papst bereyt / den  
A u Für

Fürsten ein frey sicher Geleyt / in aller bester vnnnd solcher form/  
als sie jemals gegeben worden / oder erdacht werden mag / zügeben.  
Derhalben begert vnd ermahnt der Bapst / das die Fürste  
jeder in sonderheyt / ihre Gesandte / mit vollmächtigem gewalt /  
dahin wöllen abfertigen / vñ durch iren fleiß / nach dem die Kir-  
chen erennunge gestillt (dann so vil meynunge von der Religio  
als gütebeduncken / vnd so vil Euangelia als Lehrer seind) der  
Kirche ihre zier widerumb zügestellet / ein Glaub allenthalben  
gehalten / vnd ein Gott von jedermänniglichen geehrt werde.

Das vberig (saget der Legat) würden sie von  
seinem Mituerordneten anhören.

### Der selbig redet wie nachfolget:

**D**urchleuchtige Fürsten / Dieweil der Bapst vns  
beden einerley befehlch gegeben / acht ich von vnnö-  
ten / das ihenig / so jezund mein Mituerordenter / ges-  
meynen vnracht der Kirchen anzüzeygē fürbracht /  
zū widerholē. Dañ jedermänniglichen offenbar / wohin die sach  
kommen / vnd hinaus wölle. Es entstehet ein vnracht auß dem  
andern / vnd wirdt dem Feinde der Christenheit zū verderben  
des gemeynen nutzēs ein zügang gemacht / Dem selbigen ist von  
nötten zū begegnen / Solches erfordern dise gefährliche läuffe / so  
rahtens der zeit güte gelegenheyt / Bapst Pij güttigkēyt / vnd  
sein wolmeynender fleiß / das gleich zū achten / es habe sich nye  
keine bessere gelegenheyt / frid anzürichten / zügetragen / vnnnd  
konne keine bessere gegeben werden / demnach die Christenheyt  
jezund zū friden / vnd ein Bapst von Gott gegeben / welcher geo-  
gen den Potentaten in sonderheyt wol geneygt / vnnnd ihm der  
Seelen seligkēyt / auch das der Kirche frid vnd rüh widerumb  
zūwegen gebracht werde / laßt angelegen sein.

Antwort

Antwort der Chur vnd Fürsten / so für  
Naumburg in Thüringen / im Hornung des Jars 1561.  
versamlet gewesen / auff der Bapstischen Gesand-  
ten gethane Werbung.

**D**ie Durchleuchtigste / vnd Durchleuchtige /  
Hochgeborne des Heyligen Römischen Reichs  
anwesende Chur vnd Fürsten / auch der abwesenden  
gesandte Räte vnd Botschafft / haben be-  
folhen / euch auff ewere / von wegen des Römischen Bapsts / an  
ire Chur vnd Fürstliche Gnaden fürgebrachte Red vnd Wer-  
bung dise antwort zu geben. Nemlich / wie ire Chur vnd Fürst-  
liche gnaden in Keynen zweifel stellen / dz vil gelehrte / weise / vnd  
Gottsförchtige leuthe / zu jeder zeit / vnd vnder allen Völkern d  
ganzen welt / darzu von langer zeit her / auff das die Christliche  
Kirch in einem bessern stande sein möchte / gewünscht / vnd auch  
jetziger zeit zu Gott dem Allmächtigen jr sehnlich gebett thun /  
damit endlich die reyne Lehr widerum angericht / vñ die grew-  
liche mißbreuche / so in die Kirche eingefürt / durch eine Christli-  
che besserung mögen auffgehoben werden. Welches zwar eben  
den Römischen Bapsten / als die sich des Titels der Kirchen al-  
so lang / vnd von so vil jaren her / mit so grossen bracht haben  
angemaßt / in irem gebiethe / in sonderheyt angelegen sein solte.  
Mit was sachen aber / nemlich mit begirde vber andere züher-  
schen / die Königreiche an einander zu hezen / vnd fürwitzige ab-  
gläubische dinge häufig in die Kirche einzuführen / sie zu jeder  
zeit / mehr denn zu befürderunge der reynen Lehre / vnd den ge-  
brechen der Kirchen zühelffen / bemühet gewesen / ist allen from-  
men güherzigen Christenmenschen vnuerborgen / vnd müßens  
vil weise verständige leuthe / welche dem Bapste etwa verwant  
vnd zügethan / selbs bekennen.

Es verwundern sich aber die anwesende hochermelte Chur

A ij vnd

vnd Fürsten / sampt der abwesenden Gesandten / auß was vermessenen wohn / oder zuuersichtlicher hoffnung / Papst Pius 6 Vierdt / ihren Chur vnd Fürstlichen Gnaden / durch diese Botschafft die verkündigung eines Concilij auffbringen / vnd sie gen Trient habe dörfen erfordern / Demnach dem Papste vnd euch nicht vnwissend / welche Religion die Stände der Augspurgischen Confession halten / vnd auß was Ursachen sie ihre Kirchen / nach der rechtgeschaffenen lehre des Euangelij zu reynigen / vnsich von dem hauffen / welcher neben vndertruckunge der warheyt Göttlicher lehre / selbs eygene vil mehr / denn die Ehr Christi such / abzüsündern gezwungen worden. Dann die Chur vnd Fürsten der meynunge / das der Papst vnd ihr gänglich darfür halten sollet / das sie des Römischen Stils macht oder gewalt nicht erkennen / vnd ihre Chur vnd Fürstliche Gnaden / auß vnzweifelichen zeugnissen Göttlicher vnd Menschlicher Rechten gewiß sein / das dem Römischen Papste von rechts wegen nicht gebüre ein Concilium auß zuschreiben: Dann das der ihenig / vö welchem alle zerüttunge vnd zwispälte in der Kirchen herkömen / vnd der die offenbare warheyt grausamllicher weise ansicht / eines Richters Ampt führen / vnd die streittige sachen entscheyden solte / gibt gemeyne menschen vernunfft zu verstehen / vnd bezeugen die beschribene Göttliche vnd menschliche Rechte / das es vnredlich.

Darneben sagen auch hochermelte Chur vnd Fürsten beständiglich / das ihre Chur vnd Fürstliche gnaden / mit euwerer gethaner Rede oder Werbunge / vnfreundtlich angetast werden / als ob sie keyne gewißheyt ihres Glaubens hetten / sondern weren so vil Euangelia als Lehrer / vnd so vielerley Religion als gütebeduncken. Dann nicht alleyn ihrer Chur vnd Fürstlichen gnaden / von allen Artickeln des Glaubens / lautere / klare Bekandtnuß / so sie Keyser Carln dem Fünfften / im Jar nach Christi geburt / tausent / fünffhundert / vnd dreißig / zu Augspurg vbergeben / Sondern auch die warheyt Göttlicher lehre / mit mancherley

ley schriften bis anher erleutert / vnd wol herfür gebracht / offentlich vorhanden.

In was irthumben aber die Römische Kirch jezund ersoffen / vnd mit was grewlichen mißbreüchen / vnd abergläubische fürwitzigen die Lehr des Euangelij vndertruckt / Ja dermassen / das sie einer Heydnischen vil ähnlicher / dan der Christlichen Religion / anzusehen / mag aller welt vilfältig Klagen genügsam bezeügen.

Vnd dieweil die Teütsche Chur vnd Fürsten / nicht als die inn irthumb gefallen / nit auß fräuel / fürwitz / oder leichtfertigen begirden / sondern auß ganz ernstlichem strengem befehl Gottes getrungen / von der Römischen Kirchen abgetreten / vorhabens auß derselbigen meynunge beständiglich zu beharren / mögen sie nicht gedulden / das inen der Bapst Gesetze fürschreibe. Dann sie erkennen keynes andern macht oder Oberkeyt / dann ihres Keyser Ferdinandi / welches Gesandten sie allhie / was ihre hoffnung vnd meynung von einem allgemeynen Concilio zu halten / mündlich zu vernemen gegeben.

So vil aber eüch belangt / wollen ihre Chur vnd Fürstliche gnaden / das irsin allewege dafür halten sollet: Wo ihr nich eine Bapstische Botschafft auß dis mal zuverrichten gehabt / wolten sie euch / als die ir von fürtreffliche Venedischen geschlechten herkommet / allen ihren geneygtten freündtlichen willen bewisen haben / zum theyl / das sie dem herzlichen Regiment der Venediger mit aller güetwilligkeyt geneygt / zum theyl auch / das sie euch Stattliches herkomens / hohes verstands vnd weisheit halben / lobs vnd ihrer güenste würdig sein / für sich selbs bekennen.



19 1480 21

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

11




ULB Halle

3

004 966 260







B.I.G.

Black  
3/Color  
White  
Magenta  
Red  
Yellow  
Green  
Cyan  
Blue

Farbkarte #13

III, 818.



Werbung  
gegen Papst Pij  
Die versammlung der Chur  
Saumburg in Türingen/am fünff  
mungs/im Jar nach Christi  
1561. geschehen.

Stem  
en Chur vñ Für.  
welche sie auff der Bapsti=  
ethane Werbung/am sibenden  
Hornungs gegeben.

in ins Teütsch gebracht.  
M. D. LXI.

